



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-047-4/24**

Datum: **13.03.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «BUDO-EXPORT» d.o.o. Žepče za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za finalnu preradu drveta u naselju Grabovica, općina Žepče, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «BUDO-EXPORT» d.o.o. Žepče, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za finalnu preradu drveta u naselju Grabovica, izgrađenog na zemljištu označenom kao k.č. 890, 890/2, 909, 910 i 911 K.O. Novi Šeher, općina Žepče.
2. Ova vodna dozvola se odnosi isključivo za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona odnosno nadležna općinska/gradska služba, u skladu sa članom 139. stav (2) tačke 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na terenu, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, obezbijedi da se otpadne vode iz parionice nesmetano prikupljaju u sabirno okno bez preljeva.
 - 3.3. Čišćenje i pražnjenje sabirnog okna u koji se prikupljaju otpadne vode iz parionice može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja sabirnog okna.
 - 3.4. Da korisnik predmetnog objekta, za vrijeme trajanja ove dozvole, obezbjeđuje da se oborinske vode sa asfaltiranih radnih i manipulativnih površina nesmetano sakupljaju i odvođe do sabirnog šahta, a zatim ispuštaju u rijeku Liješnicu.
 - 3.5. Da se sanitarno-fekalne otpadne vode prikupljaju zasebnim sistemom kanalizacije i odvođe u septičku jamu.
 - 3.6. Objekte čija je svrha odvođenje otpadnih voda iz parionice i oborinskih voda (sabirni šahtovi, slivnici i rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.7. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogućí njihovo rasipanje po okolnom terenu.
 - 3.8. Piljevina, drveni otpad, sadržaj iz sabirne jame, pepeo iz kotlovnice, kao i ostali opasni i neopasni otpad se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.9. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja

BiH", broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «BUDO-EXPORT» d.o.o. Žepče, dana 02.02.2024., podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za finalnu preradu drveta u naselju Grabovica, izgrađenog na zemljištu označenom kao k.č. 890, 890/2, 909, 910 i 911 K.O. Novi Šeher, općina Žepče.

U provedenom postupku, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-23-000850 od 31.03.2023. izdatog od Općinskog suda u Zenici,
- Ovjerena kopija Rješenja o izmjenama podataka broj: 043-0-Reg-21-000688 od 09.07.2021. izdatog od Općinskog suda u Zenici,
- Ovjerena kopija Uvjerjenja o poreznoj registraciji izdatog od Porezne uprave FBiH-Kantonalni ured Zenica od 13.01.2003.,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-19070/12 od 16.02.2012. izdatog od Službe za statistiku za područje Zeničko-dobojskog kantona,
- Dokaz o uplaćenju upravnoj i administrativnoj taksi,
- Ovjerena kopija Rješenja o upotrebi građevine broj: 12-23-2117/11 od 17.11.2011. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o okolinskoj dozvoli broj: 12-23-6316-1/13 od 10.04.2020. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-363-6/19 od 04.11.2019. izdatog od «Agencije za vodno područje rijeke Save» Sarajevo,
- Kopija Ugovora o izvođenju radova broj: 0705/23-DS od 04.05.2023. zaključen sa «DELTA PETOL» d.o.o. Kakanj,
- Glavni projekat – odvod fluida iz parionice do sabirnog šahta broj: 4E-2-170/19, oktobar 2019., urađen od «TING» d.o.o. Žepče (na uvid).

- Glavni projekat – Knjiga V: Vanjsko uređenje šifra: 3E-48-145/07, februar 2008., urađen od «TADIĆ» d.o.o. Žepče (na uvid).
- Glavni projekat – Knjiga II: Kotlovnica sa silosom, sušare i parionica šifra: 3E-48-148/07, februar 2008., urađen od «TADIĆ» d.o.o. Žepče (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20, 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-047-3/23 od 07.03.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za finalnu preradu drveta je izgrađen u naselju Grabovica, uz lijevu obalu rijeke Liješnice, općina Žepče. Pogon za finalnu preradu drveta je na udaljenosti od cca 500 m od pogona za primarnu preradu drveta u vlasništvu Investitora. Pogon se sastoji od: 2 proizvodne hale, magacina, natkriveni skladišni prostori, kotlovnica, sušare (7 komora), parionica (1 komora), silos za piljevinu, briketara, uređene manipulativne i radne površine. U pogonu se ne vrši primarna prerada drveta. Rezana građa za potrebe proizvodnje se dovozi iz pogona za primarnu preradu drveta. Trenutni kapacitet proizvodnje je 1000-1200 m³ rezane građe/mjesec. Finalni proizvod su ploče za masivni namještaj i briket.
- Za predmetni objekat ranije je od strane ove Agencije, doneseno Rješenje o vodnoj dozvoli broj: UP-1/21-3-40-363-6/19 od 04.11.2019. godine. Uslov naveden u tački 3.2. navedenog rješenja je ispunjen, odnosno izvedeno je armirano-betonsko vodonepropusno sabirno okno za prikupljanje opadnih voda iz parionice.
- Vode koje nastaju u tehnološkom procesu parenja drveta se prikupljaju sistemom kanalizacije i odvođe u armirano-betonski sabirni šaht bez preljeva. Sabirni šaht koji se koristio prije izgradnje novog šahta je stavljen van upotrebe.
- Otpadne vode iz parionice se odvoze od strane ovlaštenog pravnog lica. O odvozu se vodi propisana evidencija.
- Oborinske vode sa asfaltiranog platoa se prikupljaju sistemom slivnika i kanalizacione mreže i odvođe u sabirni šaht, a zatim ispuštaju u rijeku Liješnicu.
- Sanitaro-fekalne otpadne vode se ispuštaju u septičku jamu. Snabdijevanje vodom je obezbijeđeno putem priključka na mjesnu vodovodnu mrežu naselja Novi Šeher.
- Piljevina se zatvorenim sistemom otprašivanja prikuplja u silos. Piljevina i drvni otpad se koriste za potrebe vlastite kotlovnice, odnosno za proizvodnju briketa.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «BUDO-EXPORT» d.o.o. Žepče, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-047-2/24 od 06.03.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.



Dostaviti:

- «BUDO-EXPORT» d.o.o.
Grabovica bb, 72230 Žepče
- AVP Sava, ISV – Vodna knjiga
- Sektor 50
- ⊖ Sektor 40 - arhiva
- Oglasna ploča - AVP Sava